



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTO 0015145 17  
Sarajevo, 28.03.2022. godine

**SUD BOSNE I HERCEGOVINE**  
**Sudiji za prethodno saslušanje**  
**SARAJEVO**

Na osnovu člana 35. stav 1. i 2. tačke. i) te člana 226. i 227. Zakona o krivičnom postupku Bosne i Hercegovine, p o d i ž e m:

**OPTUŽNICU**

**PROTIV:**

1. **RAMO MUJKIĆ**, alias Valentin Zahirović, [REDACTED], rođen [REDACTED] 1957. godine, [REDACTED] općina Banja Luka, [REDACTED] državljani BiH.
2. **VERA MUJKIĆ**, [REDACTED] rođena [REDACTED] 1961. godine, u Republici Hrvatskoj, [REDACTED] državljanka BiH,
3. **ELDAR HODŽIĆ**, [REDACTED] rođen [REDACTED] 1980. godine u Tuzli, [REDACTED] državljani BiH.

**Zbog postojanja osnovane sumnje da su:**

Nakon što je Ramo Mujkić u Banja Luci tokom 2017. godine, neovlašteno nabavio veće količine oružja i to: 35 bombi modela M 75, jedna bomba model M 52, 7 pištolja različitih kalibra sa 190 komada municije različitih kalibara, kao i tri automatske puške kalibra 7,62 te potom isto oružje upakavao u kutije sa majonezom i eurokremom kao i umotao u aluminijski celofan, te stavio u putnu torbu nakon čega je naložio Veri Mujkić da izvrši kupovinu karata u putničkoj agenciji [REDACTED] za [REDACTED] i Eldara Hodžića sa kojim je ranije dogovorio da navedene putne torbe u kojem se nalazi sakriveno oružje prikažu kao prtljag u autobusu, te da otputuju u Švedsku gdje će isto oružje ilegalno prodati njima poznatim licima na crnom tržištu a koju prodaju je ranije dogovorio Ramo Mujkić, iako su znali da nemaju dozvolu nadležnog organa za izvoz, prevoz, posredovanje u prometu oružja, vojne opreme, a čiji je promet bez dozvole zabranjen ili ograničen Zakonom o kontroli vanjskotrgovinskog prometa oružja, vojne opreme i robe posebne namjene („Službeni glasnik broj 53/16“), da bi dana 02.12.2017.godine Ramo i Vera Mujkić sa svojim vozilom doveli na autobusku stanicu Banja Luka [REDACTED] i Eldara Hodžića kao i putne torbe u kojima je sakriveno oružje, nakon čega im je Ramo Mujkić dao novac za telefon i hranu do Švedske, dok im je Vera Mujkić predala karte za autobus, te im predali prtljag u kome se nalazilo oružje, a koji prtljag odnosno putne torbe su isti stavili u autobus prikazujući ga kao svoj da bi na graničnom prelazu BiH i R. Hrvatske, Eldara Hodžić bio vraćen sa istog od strane Granične policije BiH jer mu je istekao pasoš BiH, dok je [REDACTED] nastavio putovanje u pravcu Švedske sa prtljagom i oružjem u istom, da bi na graničnom prijelazu sa Slovenijom bio zaustavljen od granične policije, graničnih službenika R. Slovenije i lišen slobode, a kojom prilikom je kod istog pronađeno 35 bombi modela M 75, jedna bomba model M 52, 7 pištolja različitih kalibra sa 190 komada municije različitih kalibara, kao i tri automatske puške kalibra 7,62

**Dakle:** bez dozvole propisane zakonom Bosne i Hercegovine izvozili i prevozili oružje i vojnu opremu

#### **ČIME BI:**

Ramo Mujkić, Vera Mujkić i Eldar Hodžić počinili krivično djelo Neovlašteni promet oružjem i vojnom opremom te proizvodima dvojne upotrebe iz člana 193. stav 1. Krivičnog zakona Bosne i Hercegovine.

**TUŽILAŠTVO BOSNE I HERCEGOVINE**  
**T U Ž I L A C**